

423

Na osnovu člana 67. stav 3. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/05), i člana 6. stav 2. Zakona o novčanoj podršci u primarnoj poljoprivrednoj proizvodnji ("Službene novine Tuzlanskog kantona", broj: 5/07), uz prethodno pribavljeno mišljenje Komisije za poljoprivredu, vodoprivredu, šumarstvo i zaštitu okoliša Skupštine Tuzlanskog kantona broj: 02-02-851-2/07 od 30. 11. 2007. godine, ministar poljoprivrede, šumarstva i vodoprivrede u Vladi Tuzlanskog kantona, donosi

PRAVILNIK**O IZMJENAMA I DOPUNAMA PRAVILNIKA O OSTVARIVANJU NOVČANE PODRŠKE U PRIMARNOJ POLJOPRIVREDNOJ PROIZVODNJI ZA 2007. GODINU**

Član 1.

U Pravilniku o ostvarivanju novčane podrške u primarnoj poljoprivrednoj proizvodnji za 2007. godinu ("Službene novine Tuzlanskog kantona", broj: 7/07), iza člana 5. dodaje se član 5a, i glasi:

"(Mliječna grla u liniji otkupa mlijeka, koja posjeduju mliječni karton)

- (1) Pravo na novčanu podršku imaju korisnici-proizvođači za svako mliječno grlo u liniji otkupa koje posjeduju ovjeren mliječni (zdravstveni) karton, izdat od nadležne veterinarske stanice sa rokom važenja od godinu dana.
- (2) Podrška za mliječna grla u liniji otkupa iznosi 160 KM/grlu.
- (3) Zahtjev za isplatu novčane podrške u ime proizvođača, podnosi otkuplivač-prerađivač za sva grla u liniji otkupa za tekuću godinu.
- (4) Uz zahtjev za isplatu otkuplivač-prerađivač dostavlja gradskoj/općinskoj službi sljedeću dokumentaciju:
 - a) rješenje o upisu u sudski registar (pravna lica),
 - b) tabelarni prikaz obračuna novčane podrške za mliječna grla na Obrascu A-1a,
 - c) ugovor o isporuci mlijeka sa otkuplivačem-prerađivačem,
 - d) mliječni (zdravstveni) karton za krave,
 - e) kopiju lične karte i kopiju žiroračuna korisnika-proizvođača za fizička lica, odnosno kopiju žiro-računa i spesimen potpisa za pravna lica.
- (5) Gradska/općinska služba, rješenja i propisane obrasce, dostavlja Ministarstvu, najkasnije do 21. decembra tekuće godine. Ministarstvo nakon izvršene provjere, kopije rješenja i propisanih obrazaca zajedno sa nalogom za isplatu dostavlja Ministarstvu finansija."

Član 2.

U članu 19. stav 3. iza alineje d) dodaju se alineje e) i f), i glase:
"e) da se bavi proizvodnjom biljnih i animalnih poljoprivrednih proizvoda,
f) da ima prerađivački kapacitet."

Član 3.

U članu 23. dodaje se stav (2) i glasi: "Prijem zahtjeva iz člana 5a. traje najkasnije do 14. decembra tekuće godine."

Član 4.

Pravilnik stupa na snagu danom donošenja, a objavit će se u "Službenim novinama Tuzlanskog kantona".

Bosna i Hercegovina
Federacija Bosne i Hercegovine
Tuzlanski kanton
Ministarstvo poljoprivrede,
šumarstva i vodoprivrede
Broj: 04/1-14-7933/07
Tuzla, 3. 12. 2007. godine

MINISTAR

Mr. Amir Hasić, dipl. ing. agr.